

weiß mit einander tractiret / vnd itineris viam & tæ-  
dium damit gefürhet vnd demulciret haben / so fertig  
vnd ex fundamento sein beständigen Aufschlag ge-  
geben / auch vieler geheimen / vnd zu der Spagyri-  
schen *εὐχετήριαι* nothwendigen Handgriffen / ausführli-  
chen Bericht gethan. Welches ich bey so hohen Adeli-  
chen vnd Ritterlichen Standspersonen / nicht viel  
vermercket / noch gespüret.

Was nun Gnädiger Herr / auch Großgünsti-  
ger Juncker / hochgeehrte Patroni , gegenwertigen  
D. Beuthers Bericht belanjet / vnd ob oben ver-  
melter Verlauff sich also begeben / lasse ich in seinem  
Werth vnd Unwerth beruhen / will andere darüber  
judiciren lassen : Allein hab ich mit dieser Edition  
etlicher / so Ihn vnderschiedlich von mir begehret /  
flahentlichem Desiderio gratificiren / vnd Satis-  
faction thun wollen / E. Gn. auch E. Str. vnd B.  
darneben vnderthänig vnd dienstlich bittend / die-  
selbe solche Dedication von mir / der denselben vnder-  
thänige vnd annembliche Dienst / auff alle begebende  
Occasion / nach bestem Vermögen zuerweisen / vrpie-  
tig vnd geflissen / in Gnaden vnd Großgunsten an-  
nehmen vnd vermercken / auch meine gnädige  
vnd großgünstige Patroni seyn vnd bleiben wol-  
len.

Thue